

## Mr.Robin e lo Barba-ros

Soi un pichòt aucèl. Pusleu redond, amb un còl roginèl, non non te'n fagas pas, soi pas malaut es sonque soi un Barba-ros o Còl-ros se preferisses. Dempuèi lo 22 de decembre un òme me bota de granas e soi segur que i a de vèrms dedins, me fa plan plaser subretot qu'amb aquest ivèrn que me sembla serà fòrça fresc. Ieù soi un aucèl particular perque aimi pas me desplaçar en grop, soi fòrça territorial, e pendent l'ivèrn una quantitat de mos vesins migran al sud per anar cap a la calor. Del còp, ieù soi suau a manjar mas granas.

Ai parlat pro sus ieù, ara vos vau parlar de sénher Robin, e perqué soi aquí. Non es pas perque i a de noirridura, ne fa partit mas es pas la sola rason. Robin es pas plan a aqueste moment. I a pas longtemps a perdut un parent, sa femna. Un altra causa de particulara amb los Còl-ros es que sentissèm de luènh quand qualqu'un es triste. Del còp ieù soi aquí per sostener lo sénher Robin.

Fa qualques jorns ara e Robin a pas bolegat de sa cadiera dempuèi que vos ai parlat.

Sabi pas cossí li tornar balhar de vam! Ai remarcat que li agrada plan de pintrar d'aucèls mas en ivèrn n'i a pas jamai. Me soi levat un matin e ai vist que i aviái pas mai de granas. Robin èra pas mai dins son sèti. Me soi fach de laguis, mas aviái tament talent, me caliá anar cercar de noirridura. Soi anat a l'òrt de Robin, que i aviá fòrça vèrms.

Quand aguèri acabat de manjar tornèri e vegèri l'òme corre d'en pertot compreniái pas perqué.

Me soi avisat qu'èra anat querre sos afars de pintura. Me voliá pintrar. Èra lo primier còp que l'aviái vist amb un rison sul morre.